



Najaaraq Møller
Inatsisartunut ilaasortaq, Siumut

§ 37 naapertorlugu apeqquut nr. 2023-112-imut akissut

Brevdato: 20-07-2023
Sagsnr. 2023 - 18546

Manna § 37 naapertorlugu apeqquumut akissut nassiunneqarpoq.

P. O. Box 1037
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

1-imut) Namminersorlutik Oqartussat iluani sulisut qassit nunatta avataani najugaqarpat?

Apeqquut Naalakkersuisut Siulittaasumi Naalakkersuisoqarfia isumaqatigiiffeqarnera naapertorlugu Københavnimi Kalaallit Nunaata Sinniisoqarfianut nunanilu allani sinniisoqarfinnut, Danmarkimi atorfinitsitsinermut pisortatigut akisussaasumut nassiunneqarpoq. Taamattaq Sinniisoqarfik sulisooreersut Kalaallit Nunaannit Danmarkimut nuutsinneqarneranni nunaniluunniit allani sinniisoqarfinnut suliarortinneqarneranni atorfinitsitaanermut isumaqatigiissutinik nutaanik suliarinninnissamut akisussaasuvoq.

Sinniisoqarfiup ulloq 31. december 2022-mi namminersorlutik oqartussat naalakkersuisoqarfiannut sulisut attuumassuteqartut ukioq kaajallallugu suliffilittut katillugit 126,98 amerlassusillittut naatsorsorpari. Naatsorsuineri tassani sulisut naalakkersuisoqarfinnut taakkulu saniatigut aqutsisoqarfinnut immikkoortunullu tamanut attuumassuteqartut ilanngullugit naatsorsorneqarput, tassani Pinngortitaleriffik, Akileraartarnermut Aqutsisoqarfik, Oqaasileriffik, Ilimmarfik, Oqaluffiit, Kalaallit Napparsimasut Angerlarsimaffiat Københavnimilu Sinniisoqarfik ilanngullugit. Apeqquuteqartup kissaatigisaatut Washingtonimi, Beijingimi, Reykjavikimi Bruxellesimilu nunatta sinniisoqarfiini atorfeqartut naatsorsuineri ilanngunneqanngillat.

Sinniisoqarfiup akissutaa tunngavigaara. Sinniisoqarfiulli paasissutissiisutaanut nunatta Sinniisoqarfiani Københavnimi atorfeqanngitsut, taamaakkaluatorli Kalaallilli Nunaata avataani sulisut ilanngunneqanngillat. Taamatut atorfeqartut naatsorsorneqarsimangillat, § 37-ili naapertorlugu apeqquutip uumap akinissaanut Namminersorlutik Oqartussat aningaasarsialeriffianit Islandimi Savalimmiuniluunniit atorfeqartut amerlassusaat ilanngunniarneqarput. Maannakkut taamatut atorfeqartut marluk nalunaarsorneqarsimapput. Tamatuma saniatigut Namminersorlutik Oqartussat, taassumalu suliffeqarfiutaani atorfillit ataasiakkaat allat, ukiup ilaani Kalaallit Nunaata avataani sulisarsinnaanerit, taamaattoqarneranilu sulit Kalaallit Nunaanni najugaqartut akileraartussaataasutullu nalunaarsorsimaneqarput tunngaviatigut pisinnaavoq. Taamatut atorfeqartut aningaasarsialerineri atororissaarummi Kalaallit Nunaata avataaniittut takuneqarsinnaassanngillat. Taamaammat taamatut atorfeqartut amerlassusaasa naatsorsornissaanni Namminersorlutik Oqartussat, taakkulu suliffeqarfiutaat taakkunungalu attuumasut ataasiakkaarlugit kisinneqarnissaat pisariaqassaaq. Taamatut misissuinissaq § 37 naapertorlugu apeqquutip akineqartarnerannut sinaakkutit

avataanniissaaq, tamatumalu saniatigut amerlassutsit killilerujussuit matumani pineqassapput.

2) Naalackersuisoqarfikkaartumik aningaasartuutit qanoq amerlatigisut sulisunut taakkununga atorneqartarpat (minillugit Nunanut allanut Naalackersuisoqarfik aamma Washington DC-mi, Beijingimi, Reykjavikimi il.il. aallartitaqarfiit)?

Apeqqut Naalackersuisut Siulittaasumi Naalackersuisoqarfia isumaqatigiiffeqarnera naapertorlugu Københavnimi Kalaallit Nunaata Sinniisoqarfianut, Danmarkimi atorfinitsisinermut pisortatigut akisussaasumut, nassiunneqarpoq.

Sinniisoqarfiup apeqqut 1-mi taaneqartut ukioq kaajallallugu suliffilinnut aningaasartuutit ukiumi naatsorsuuseriffimmi 2022-mi katillugit 76,1 mio. kr-nut naatsorsorpai.

Sinniisoqarfiup paasissutissaatai tunngavigaakka.

Apeqqut 1-p akineqarnerani sulisunut allanut marlunnut tunngatillugu, Aningaasaqarnermut Suliffeqarnermullu Naalackersuisoqarfiup aningaasartuutit ataatsimoortut 1,76 mio. kr-nut naatsorsorpai, taakkunanga 80 procentit aningaasarsianut, 20 procentillu qaangiuttoornersianut.

Inussiarnersumik inuulluaqqusillunga



Naaja H. Nathanielsen